



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二二一

陳恪勤公詩集三十九卷 陳鵬年撰


一

滄洲近詩十卷 陳鵬年撰

二二七

道榮堂文集六卷首一卷 陳鵬年撰

四二三



陳恪勤公全集總目

- | | |
|-------|-------|
| 耦耕集五卷 | 香山集二卷 |
| 浮石集七卷 | 唱月詞六卷 |
| 武夷集二卷 | 胸山集二卷 |
| 秣陵集四卷 | 嵩廬集三卷 |
| 于山集二卷 | 淮海集三卷 |
| 水東集三卷 | |

共八冊

序

武陵瞿龍躍

予丙午過中湘爲郭幼隗年丈下榻宜園聽侍者香令唱浣紗曲子予有詩曰拍板龍香鼓細撾招來鶴舞看仙衙霜天對月三更半醉倒陽春第一家丙辰過中湘爲幼隗長公無忝下榻南廬時倉卒兵中檢鏐檢其藏書予有詩曰馬蹄幾箇不隨人螳臂偏多千萬身着想一軍皆變化穆王何日復南征今己已過中湘訊南廬之郭子無忝與乃父幼隗共賦玉樓矣其子北溟已成甲子貴人易郭姓而陳予深爲慶幸憶幼隗無忝父子稱海內名家俱爲郭氏振起家聲然不有北溟出易祖父之姓則幼隗無忝寧不擲鬱泉下哉且北溟與予見人固偉矣而才亦大以少年便著書于名山大川間亦如予之讀古遍天下予愛之不已而畏之出息齋近稿屬予序開卷讀之浩浩落落如逢劍舞如遇梁衡破徧豪傑之膽縮盡英雄之舌矧息齋更于祖幼隗宜園父無忝南廬對立奇竿幼隗無忝能長存天地也予三過中湘歷其事蹟如此卽以作序西楚惜陰遊史拜題于懺心禪院

龍序

自序

滄洲非詩人也其以詩著者何祖若父皆詩家者流也其哀然成集者何生平所歷一發之于咏歌所謂詩以紀年者是也曰水東先人之壙墓所在也曰武夷紀遊也藹廬者結茅爲廬在舍西草土中所與視息者地也曰耦耕舍之北有耦耕堂焉沮溺之所與居游也于山香山甲乙間往來游息于兩山爲多以是名集者猶之乎武夷也浮石宦遊地也乙亥以前累數十百首浮石以後遂寥寥者一行作更此事久廢也士人生長隆時不獲置身禁近作爲歌詩頌祝休明復不能効晉州男子馬前上三十字一吐其胸中之氣便當退處田野間躬把鋤犁爲里出民飯牛擊壤歌呼鳴鳴亦足以宣鬱鬱結歌詠太平胡乃蹙蹙執手板革帶走塵中流汗霑衣供馬牛呼喚時復于夢中醉中哦出欠伸嚙語耶有從遊者二三人強出之襍囊中謬授劖劖不敢乞薦紳一言尤不敢辱海內名人半字示不敢以詩鳴也亦聊以譜十數年來友朋山水之況云哉在戊寅八月上潯楚長沙陳鵬年滄洲自識

序

豐南吳 綺

豐溪迂叟將率黃子之舟黃子訓名去伯湘水才人忽在
 孟公之駕什里余別業在焉掀髯驚座慕高義以投珠握手分床美飛
 談而屑玉意當年之姓字曾因洗馬傳來梁簡文帝接此
 日之手儀何幸元龍獲親于是結金蘭之密契敢謂
 忘年對瓊樹之清標相將承日悠然意遠如見南山
 沙爾情深將由北道乃出賞心秀句索加弁首蕪辭
 大詩之盛衰固由于風氣而才之大小實本于天資
 故徒恃其聰明則必有空疎之謂若獨資于學力復
 恐無靈妙之機所以氣擅縱橫耽懷欲兼不澄靜性

多沉學命吳序以平是非學有求抑推
 聰明之不易得也乃讀洽洲之集悉本懷水之遺才
 既高華學尤醇備情無近寄殆欲振建安以上之音
 言必入真不肯作貞觀以下之調托閒思于丘壑古
 盡幽深寫哀緒于蓼莪心傷孺慕探奇攬勝謝康樂
 工山水之吟採藻敷華張道濟得江山之助早望龍
 樓而染翰挹爽氣于西山將登雁塔以題名蜚英聲
 于北海名賢霧合衆已讓其探驪碩彥星羅人共驚
 其吐鳳莫不清如鸞鶴聞者盡使情移壯若鯨鯢聽
 之輒爲心折譬千尋之峻雪輝映鬚眉對九夏之嚴

于風前絕愛全身是態然而華能不艷豈同溫李之
 纖穠澹益多思不似島郊之寒瘦紙上有英雄之氣
 直教酒湧花飛篋中藏秀異之珍真令筆歌墨舞益
 其神化出于十九首而其寢食寃乎三百篇是以法
 律精嚴格調自臻純美原夫性情爽朗明詞句始得清
 新者也嗟乎人盡操觚誰當擊節談詩之輩每自命
 爲拾遺作序之家動亦稱爲皇甫虎皮羊質謬比義
 山牛鬼蛇神侈言昌谷甚至愛忘其醜尙云游夏以
 難名所以廣失其真遂令風騷之永替用起雅人之
 嘆寧無識者之譏哉而余序洽洲之詩則大有異于
 是者自慚審律獨推斯作迥出風塵世有知音豈以

吳序

鄙言視同河漢請看驚天破石行簪平一之花應誇
 鏤月雕雲定奪延清之錦方早朝而和賈至君將得
 意而游當夜坐而賞李嶠吾其拭目以俟矣歲次庚
 午橘陽題于鳳觀書屋時年七十有二

耦耕集卷第一

湘澤 陳 鵬年

古今體詩共六十三首

還山三首

秋雨散原隰羣松作寒濤柴門在山脚日氣輝林臯
主人出門去歲月何滔滔行行走萬里川原母乃勞
我母見我歸命我解征袍溫言慰臆骨闔室聲嗷嘈
夜闌更燒燭環坐陳濁醪凄然我心戚忍淚看童曹
遠歸戒涕泣不敢發悲號所憾堂上翁化為藜與蒿

又

十年輕家鄉隨風棲異縣饑來強驅人行藏迫更難

耦耕集卷第一

扶病歷險艱丘樊始生戀拾舟入樵徑溪環路宛轉
柴扉護松陰山靜雲片片入門驚我衰貌瘦心手顫
藥餌半行裝欠伸耐疲倦振衣理紛埃京塵送餘善
在家裘馬清出門儒冠賤莫給風雪圖難使妻孥見

又

憶昨延英殿給札揮長楊萬言露胸臆昂首中書堂
廿年事鉛槧蓆帽生輝光寧嫌外臣賤委吏甘爲郎
五斗不足戀致君願則償驅車出都門息羽投柴桑
尚有附郭田將母供壺觴提攜盡孤幼牽衣淚成行
不得具雞豚野哭南山岡南山鬱秋色慘怛摧中腸

山庵石上作

危峰劣削俯雲間踏盡空林路可攀便向山翁借高
枕塵中猶得片時閒

又

呼僮新爲剪蒿萊選得奇峯盡古苔苔茗啜餘無一
事老農山下荷鋤來

又

羣峯斷處隱柴門雲水重重別作村一抹晚烟青未
了夕陽紅樹又黃昏

冬日登開利寺閣

時縣官以文獻高
寺極樸者甚衆

千年金碧護花宮俛仰真看帝座通應爲低脊憐愛
海肯將呼吸問蒼穹六朝僧老茶烟歇三笑溪寒木

耦耕集卷第一

葉紅侵向松壇賒片席夜來車馬亂霜鐘

又

古殿荒岑半夕陽歸然舊識魯靈光雲中棖桷蟠龍
象石上丹青紀漢唐解帶人來花似雨攢眉客去月
如霜重遊儻記彌明路共掃松針作講堂

寺不知創始何
代有碑曰貞觀
二年

桃塢

不到荒原路經過已二年亂山愁乳虎深谷儼啼鵲
黃葉村村雨青溪處處烟秦人如識面重上釣魚船

又

足事空蕉鹿驚心憶渺茫松門虛白月藥臼冷玄霜

長記看花日相逢酒場蓬萊今水淺無計覓瓊漿
過隱善山庵

三年遊屐冷雲隈又上生公說法臺鐘定不須乘月
去羊香恰有叩門來一峰晴露青霞蕊萬壑寒凝白
玉堆吩咐伊蒲留宿供雨花重爲踏春苔

擬訪張雲客阻雪且聞其以故出山

竹雪尋源路未遑東雲如護萬峰齊何人索笑梅爲
屋有客乘舟雪滿溪石上應留殘句在花邊猶剩亂
鶯啼憑君訂取青鞋約爛熳春風醉似泥

洪塘精舍

渡水逢幽徑尋僧到化城望開千嶂碧坐定一溪鳴

嶽茗香初冽晨鐘夢覺清十年遊未倦遯莫解塵纓

小憩菩提庵

一龕新現小菩提茗椀方空日漸西欲訪六朝舊踪
跡亂峰多恐白雲迷

又

分得餘閒半日來石林多處掃蒼苔憐他倦眼紅塵
客一上僧房臥一回

潭市答易公錫

老樹蒼潭積翠間訪君重爲問江干烟中小市臨前
浦輕舟上急灘著述嬾非陶謝比詩篇好作應
劉君浣花溪裏如相待欲向青山學挂冠

二日同余公瑕年兄舟中對酒作

剛聞獻歲理孤篷各棹湘流雨雪中夢似浮鷗初聚
溼身如旅雁盡隨風片帆夜護江雲黑襪被寒敲幾
火紅沽酒共君須揀醉年來踪跡侶漁翁

玉泉寺示文若禪人

十年郵舍半僧寮細雨空壇又此宵竹榻近聞天籟
寂紙牕寒共佛香飄關山夢裏縈孤棹歲月燈前對
短瓢正憶輞庄花鳥隊春雲今夜鎖平橋

文若見和以詩仍用來韻示之

半龕重借水雲寮几榻清香度幾宵細雨夜聞寒漏
微高城時聽朔風飄未須支道峰生屋留得泉明酒

在瓢遲汝春晴渡江去麓雲深處虎溪橋

次金道舟除夕詩

初聞除夕有新詩客裏相逢識退之自哂寒暄同寒
雁可堪聚散類枰棋吟成官閣多酬唱論減潛夫任
笑噓最是送窮惟爛醉昨年踪跡問篙師

又

幾年蓮幕誦新詩丘壑慚予似過之剡曲春風遲鼓
棹東山歸興促圍棋探梅近報池南信買駿空憐冀
北傭頗憶龍門烟柳嬌爲憑軟語寄吾師

投贈董醇庵司馬

京華才子舊雲霄五馬專城望轉饒千里清風闕海

嶽三年嘉誦遍漁樵霜毫夜拂春初媚雲霓朝迎雪
漸消肯爲江潭倦遊客憐才時一解金貂

又

累朝蟬葉重家聲通德門牆甲帝京萬里鳴騶新獻
策高堂舞袖更調笙磚花晝映三千履夜月春明十
二城不惜金鞍來小隊石村茅屋好聞鶯

彭秋水先生燈夕見招有作次韻奉酬

恰逢投轄又張燈殘醉人扶罷未能自是春風從謔
浪何妨禮數減峻嶒烹泉近拂牕前畫曉藥新移竹
外棚與報歲寒須百斗梅花香裏祝升恒

過劉中敬草堂

綢耕集卷第一

五

步履隨春到草堂城南一路菜花香高峯撲翠搖虛
幌野竹流烟出短牆插架書封天祿閣問津人識輞
川莊耽幽我亦漁樵侶家在岵嶺徑未荒

早春

漠漠大江去早春風正狂孤帆投別浦獨雁下斜陽
沙草迎人綠洲花隔岸黃平生伴鷗鷺一枕水雲鄉

和蔡中介來韻

天涯春又半得句喜君同夢隔鶯花裏詩來烟雨
中買山多歲月玩世少窮通應放剡溪棹苔堦正落紅

又

寒食家家雨春光幾處同懷君燒茗夜索句閉門中

雲護千峰立江晴一葉通相期開麓霧來看杜鵑紅
舟中卽事

春烟雨郡城東越得扁舟犯曉風圖史半牀猶促
膝江山無恙只飄蓬新添瀑布垂垂白欲落林花細
細紅三徑早憑歸夢到隔年池柳漸成叢

維典八首

老却春陰客未知落紅飛絮盡成泥花土似解東君
意留待幽人四五枝

又

茸茸細草綠於烟不剪欄邊定砌邊
齒最嫌新作印棣棠花下數苔錢

綢耕集卷第一

六

又

團圓老屋樹千層綠淨空軒百慮澄看罷殘棋渾欲
俗又攜湘竹補花棚

又

虎溪精舍亂山隈剛爲新晴踏屐來待得
茶翁茶事了一肩明月送人回

又

百丈虹堤一水通柳椿如臂葉初封
明年早辦啼鶯舌一部新聲碧浪中

又

屋盡明
昨

又

笋芽新摘鮑魚肥泥飲何妨醉不歸見說今年春事
好種秧時雨聲稀

又

新得奇書號五車綠牕燈火夜無譁笑他春色真無
賴忙殺溪聲與亂蛙

山岡

平明策羸馬慘淡踰山岡念我昔過此倏忽三星霜
悽悽長塗客撫景淚霑裳谷風不暫息椿枝不更芳
白雲杳長逝山川鬱蒼茫子規叫黃霧日瘦山無光

編耕集卷第一

七

哀哀寡婦泣兒女羅道傍紙錢挂陌上辛苦持壺漿
今古一蒿里誰為辨彭殤達觀理固曠母乃歲月忙
徒倚復何依內熱魂慘傷

偶題

隔市人烟散為園竹樹深紫紆通細路婉轉得鳴禽
藥晚蔬連屋茅簷刺作陰過門驚吠犬兒女出前林
初夏飲聽花軒有作

淺暑剛逢立夏初城邊種柳卽幽居朱陵快說登山
屐綠笥方懸易字書老盡鶯花遲歲月笑擲塵夢狎
樵漁憑公爛醉林塘裏繫馬蒼苔看剪蔬

又

橘刺藤梢近接庭綠陰低護子雲亭幾年潔舍窺丹
篆有客敲門索醪醕池水細添春草色女牆遙見數
峰青君家友愛真無敵醉裏相從說聚星

同張質夫石輿山諸子飲梁堦試齋中

尋君何惜破蒼苔又共花間醉一回廡下舊看高士
傳牆東時有故人來凭欄碧藻調魚盎撲架紅香入
酒杯投轄未須遣虐政夜闌街鼓暗相催

曾仍黃招飲齋頭同張質夫殷銘三劉石壺

家子虞叔有作十六韻兼述近懷

旁舍連高棟層軒接廣園相逢皆好友來為倒芳罇
細草繁牆角幽花綴石根篆烟金鴨靜爐火玉泉溫

編耕集卷第一

八

不有紅塵隔那知白眼尊園莽消永日種樹足清言
拊戰看龍鬬酣眠伴蝶魂忘形呼我輩驪首賴諸昆
韋杜通家在雷陳古道存於予真拓落與世少寒暄
船繫三湘曲書藏五柳門宦情惟老母微祿藉饔飧
鵲血春難住田歌暖正喧驪駒催旦晚菽水戀朝昏
偶聚琴心苦將離鶴怨繁片雲歸騎速愁絕雨翻盆
讀劉五原宣筆恭人諸公岳遊詩刻成奉答

一首

舊說登山屐相期挈伴行讀君南岳記添我白雲情
瑤草春應長芝田晚未成何當騎鶴背旦夕羽衣輕

舟雨

野岸舟難繫孤篷雨不開夜聞驚湍急新漲出山來

又

小艇纔客臥炊烟不肯消耐眠過日午問說到東橋

又

布被霑篷雨春衣上水寒出門隨旦晚聊作臥遊看

次韻吳一士見過山莊五首

共泛星沙酒春殘客始回人疎歡會面詩老見多才

小艇衝烟入荒山踏屐來到門松菊好三徑爲君開

又

路僻雲連塢溪深樹接村苔苔噴未掃人境喜無喧

綠酒春寒薄青燈夜色渾黍離聞往事耆舊不堪論

時談及勝
國事其悉

又

老向湘潭客萍踪玩物華投閒耽細律避世解無遮

嶽頂青鞋滑江天皂帽斜幽人饒歲月相對失長嗟

又

衲子門前近晴郊景漸和白雲常不夜明月任相過

泉眼開寒玉巖根護綠莎坐闌欹石上空翠撲衣多

又

梅雨添新濕山寒變曉晴寂寥塵不到懶情晝何營

預擬投簪日還深伐木情倦遊丘壑在垂釣老浮生

月下對酒作

三年不見山中月清光今夜何離奇山深人靜夜岑

寂明月爲我臨軒墀廣庭皓白同積雪清水萬壑堆

琉璃主人露坐袒雙臂舉頭問月敲金鉞憶昨臥病

客幽薊空房細隙曾相窺南走靈山向窮谷馬首看

月星晨馳此時對月發長嘆月光笑我勞奚爲今年

九春卽風雨故山得見來何遲洞牕無塵色皎皎茅

簷匝地光垂垂羽蟲飛動亦零亂葉露黯黯微紛披

蓬根苦遭風蕩折丘墓不得相追隨廿年骨肉半凋

喪故園門巷成凄其可憐圓滿不如月月光圓缺能

幾時且勿對月生吁戲素娥勸我金屈厄人生富貴

不滿百有酒不醉空復悲願將金波當沉酌天鷄欲

叫銀河低一酣三萬六千夜逍遙廣漠隨風吹

買舟由涓水入岳

我住南山下日見南山色南山切天青相望失咫尺

忽忽三十年始爲獨往客買舟涓江水榜人戒明發

渴日正瞳矓入舟抵煩熱暮見千丈雲心神乃飛越

巖烟變噴喜靈態互出沒遐想幽壑松下有太始雪

遲我踏層冰趺坐雙腳赤

夜宿白杲市

晨發花石橋夕纔白杲市移步觀南山曲折屢面勢

峰迴遠村隔浦斷孤烟細溪樹趁人船山寒襲衣袂

神靈爲前驅風雨昨夜至飛流猛進艇篙師困兩臂

漸喜姓名潛蓬跳愜幽意

拾舟三十里至西園精舍

百泉會涓水奔流乃成川窮源到石埭豁爽開陷阱
祝融漸逼人歷落分層巔山雲起膚寸須臾沒諸天
始信變現力造化真有權我來三十里跣足無拘牽
溪行濺衣濕亂石梯高田道旁兩三橋瓦屋生青烟
云是西園舍結構高林邊修竹園野綠閒花淨堦妍
背祝融頂龍象猶晏眠登高豈在銳冥探必幽玄
力疾非不速逐步有流連夜闌借寶地鐘磬心悠然
聞見兩無住了悟名山緣

耦耕集卷第

十一

西園示僧時與故人相遇

茶畦竹徑老山禪屋裏雲生水到厨便向巖邊看石
火廿年塵夢已全孤

又

頭上飛泉脚下雲看山何礙雨紛紛六年流葉橋邊
夢不道西園又遇君

九龍盆

十里青溪向九龍古橋留客水淙淙不知山外晴還
雨衣上蒼寒已萬重

又

亂峰寒玉走條條朱夏初雪未育不信九龍蟠水

府石林那送海門潮

由廻龍庵上九龍盆

遲勝各有會耳目無遮畱隣僧引路慣細木沈巖幽
尚有附山田老叟騎青牛亂泉響聒聒獨鳥鳴啾啾
過此失平眺峻極森遠眸石磴在絕壁花宮居上頭
登頓遂喘發坐命僮僕休紫紵走曲徑石屋開朱榴
洞牕俯衆壑老竹皆修修鬱鬱絕澗旁噴瀑觀洪流
真有八百龍怒髯蟠深湫雲氣護草木日光隱林丘
亭午寒栗烈過客思重裘蒼茫恐雷雨白晝神靈愁
穩坐百尺梁俯看萬丈溝凜慄戒動息森然會冥搜

三合巖

巖爲衆老人挂錫處先天
父僧與友人信宿山中

耦耕集卷第

十一

亭亭三合巖深蘿送飛雨遙想講經人如聞聚徒語
偶來會三笑方外投水乳白月滿空山天花落如許
寂滅二十年往事開聽觀舊屋荒蒼苔枯藤裊相拄
未遂拂衣志慙爲布金主空香散林麓白日蔽亭午
雲去山忽青雲來日就晡白雲亦何心浩蕩成太古

又

千盤鳥道出香林三合巖邊見道心却憶當年三笑
客溪聲猶作短長吟

耦耕集卷第一

終

耦耕集卷第二

湘潭 陳 鵬年

古今體詩共六十六首

步自中山取雷開路上釣臺

行盡中山路轉幽御風身到萬山頭曾聞霹靂開巖
徑嬾爲金鰲下釣釣瑤草漸深逢絳闕白雲無主戀
滄洲最憐家在峒嶠角細水微茫辨一丘

爛柯巖

頽唐峭壁鎖藤蘿洞裏何年此爛柯仙子自猿青石
髓秦人多在白雲窩平逢七聖嶺山鬼睥睨諸天出
大羅心瞻漸平看尺五向來奇險飽經過

南嶽絕頂

耦耕集卷第二

袖盡烟霞上祝融單衫力疾倚天風竟將九節青龍
杖踏到千層赤帝宮南極全吞星野壯東流不斷海
門空却憐巖徑遊人絕獨對滄波理釣筒

又

司南炎帝正騎龍我恰朱明拜祝融四大條龍滄海
白五雲時現夕陽紅西來壽母真形在北去爲霖尺
座通自顧黃梁猶濁世嘯歌容易達蒼穹

宿上封寺

平生塵海浩茫茫歷遍東南到上方戶滿白雲真作
供身都空界靜聞香千年龍象指豐草萬國河山照

夕陽酌罷醴泉容借榻佛燈無語夜何長

又

九霄冰雪冷重裘徹夜罡風震未休南服有山居絳
節大荒無地並丹丘堦陰龍睡含雲雨殿角天低宿
斗牛又共蒲團聽曉漏夢魂驚覺電光浮

日觀

祝融去天不盈尺夜深銀河觀曉日燭龍欲視陽谷
開天雞叫徹羲和出茫茫一氣破鴻濛中有帝子乘
火龍扶桑海水變成血蓬萊瀕洞崑崙紅羣陰伏盡
曜靈發七寶扶上陽烏宮自從鑿死混沌畢不周山
崩女煉石羿弓縮却天爲愁照徹幽明鬼神泣紅芝

耦耕集卷第二

碧玉峒樓東上佐火德王祝融却向朱陵望朱鳥不
比四岳光瞳眈我來絕頂寒凜凜再拜天門洩靈秘
五雲染盡毛髮丹一瞬千山萬山碧

盤陀石

險絕盤陀石撐空出半霄蛟鼉喧衆壑烏鵲上平橋
銅柱朝承露金鼇夜送潮坐來雙足軟愁共海風飄

夜光巖

會仙橋

無色亦無光夜光不如月何似山中人空巖黑如漆
手扳白石巖脚跨青松樹安得松如龍跨龍橋上去
祝融峰頂望先壟

廿八人黃凜凜兩日三登視融頂萬里無雲渾天
碧指點微茫露纖影瞥見先塋辨丘墓水白山青步
難逞涓水東流素耿耿添燈夜熄秋墳冷華表無聲
歸不得兒夢隨風托枯梗欲作高山十日哭恐驚湫
下老龍醒逝將去作南山農墓道犁鋤雜鼃鼃

觀音巖

泉氣濕如雲青苔自應長何處住山人曬藥青巖上

毘盧洞題壁間

飛泉老樹萬山陰獨到毘盧頂上尋欲向橋邊拾流
葉洞門今已白雲深

又

編耕集卷第二

不爲攢蒼拄杖來石林深處見香臺相聞綠玉消煩
渴空向黃梅望一回聞寺僧雙
茗甚佳

禹王城

刊木思神禹重巖跡可攀龍蛇歸絕壑蚪蚪刺空山
赤帝居方奠蒼梧駕未還南荒餘片地四載念江關

又

路過毘佛洞人道禹王宮雉堞流雲氣霓旌捲谷風
岷峨山盡北陽朔水朝東萬古包茅地湘帆望祝融

謁嶽十四韻

朱鳥通羣望炎方領百神山河崇地脉雲物會天真
畫棟巍廊峻瑤堦列殿陳千峰扶閣道二水合城闌

秩禮虞廷舊隨山夏后親代更民俗換世易切灰屯
壞壁巢蒼鼠空壇耀碧燐市童驅豕蹠廟戶積狐塵
祠前守祀
者名觀聖代輿圖壯興王祀典新皇華尊勅使奠璧重
明禋府主資冥贊馨香格紫宸南荒開壽域北極轉
洪鈞玉醴仙盤露紅芝洞脚春小臣持獻祝矯首望
南巡

九仙觀

纔下諸峯路漸開九仙鸞鶴出蓬萊不知巖翠衣都
濕更向水簾洞裏來在水簾
洞之左

又

世事茫茫一局碁石枰猶許後人知可憐龍戰空陳

編耕集卷第二

迹海水揚塵復幾時有仙人
墓盤石

又

鼓舵蒼溪九曲長洞宮爭討李衡陽即今化鶴遊人
散剩有題詩墨藩香向有李衡白山名居
此先大父舊遊也

喜家錦臣自泚水數百里赴石村之約感賦

二首

纔攜岳色下蒿萊恰有車聲破蘚苔空谷競傳烏鵲
喜故園還對菊松開人憐棣萼輝難並天爲驂騑老
益才不信元方真古道兩番舟自剡溪來

又

夢我廢後久伶仃十畝蓬蒿接草亭肯爲吾宗先下

榻更憐雛弟細傳經山深借景看元豹路遠從羣見
鶴鵠相對一尊燈火共最堪風雨夜來聽

錦臣有詩四首次韻奉答

廿年卜築此山阿涉雨松風擁卻箇自喜寒暄方對
榻敢云井里舊鳴珂義門昆季文章在白社交游歲
月多三徑祇憐車馬隔夜闌尊酒看金波

又

龍樓咫尺聽宜麻歸作投林日暮鴉陸橋尚憐萱草
茂萊衣空望岵雲迴來書過眼驚春盡鼓棹關情感
歲華頗愛鷄棲成小隱頽唐花雨帽簷斜

又

十年帖括戀同袍回首南樓意氣豪司馬山川遊更
薄元龍淮海臥還高堦除研溢清晨露花底蘭煎午
夜膏頗有移情同若弟朱絃風雨尚能操

又

晝長真覺夏雲驕珠玉看君暑自消爲我褰裳尋草
逕避人結舍比僧寮舊巢燕燕通簾戶新譜鶯鶯暗
板橋慣識長卿工賦物興來題句滿芭蕉

燕巢忽破悲鳴累日復葺新泥爲詩慰之和

錦臣兄元韻

費盡春風拂敝廬一年陰雨重躊躇何知高棟領危
耶更砌新泥戀舊墟再乳不妨三夏永卒瘡還共故

人居深林懶說烏衣主歲歲雙棲伴讀書

再爲詩賀燕限韻得家字

不必卑飛重歎嗟艱虞歷盡穩爲家再來脩尾逢長
夏兩度營巢感歲華有子未妨遲伏卵蓄租何礙晚
穿花綢繆手口予同惜欲共書帷護絳紗

好月

好月江難夜空濛烟霧生漁燈依別渚人語帶孤城
影落金波動涼露玉露輕扣舷長不寐酤酒數能傾
吳一士到山中錦臣有詩次韻

共君林下酒盈瓢有客來過第五橋土室不知山外
暑草花新得雨中澆掃除三徑幽期在悵望千門去

路遙懶爲升沈勞

蜀卜肯將簪紱易漁樵

時子胸有遠役
錦兄爲設者

錦臣用前韻謝遺新茗奉答一首茗卽一士

手製

性癖由來戀一瓢筠籠供客上山橋新看綠玉人同
賞旋注甘泉手自澆瓦鼎漸聞輕浪沸竹風先逗細
香遙芋翁尚有清秋約更向朱陵晚問樵

柳堤月夜步錦臣元韻同吳一士賦

面面寒流護曲阿野涼明月萬山多斷烟幾縷初凝
岫疎柳成行半蘸波極浦霑衣窺露井誰家按調譜
雲和蛙吹蚓笛俱無賴夜靜如聞喚客過

又

濛濛冷翠上衣多樹底潛知魍魎過夜定忽看雲起處山空無奈月明何微茫碧漢翻池鏡深淺珠光滴露禾便擬浮槎知近遠美人秋水在層阿

荷吳一士錦臣枉顧王父荒塾各賦詩一律

次韻志謝

廿年宿草白雲多墓道蒼黃字半磨繩武政期阡作表負薪空有淚成河衣冠舊恨存前代風雨藏書守一窩太息酸寒餘緒在感君憑弔起長歌

又

空將滴淚灑幽風兩世啣哀罔極中箕尾虛聞形化鶴河山應有氣如虹依慈孝笋斑花蝕王父至孝恭節侯曾大母大旁望

綢緞集卷第一

七

幸銅盤碧血封猶賸萬峰供客弔晚烟零亂夕陽紅時墓有痛之忍活生算數意

蕉雨限韻

綠天細細雨如毛有客題詩興轉豪聲共晚簷驚鐵鐸碧連深院長蓬蒿紗厨亂颭新涼早湘簾初聞午夢勞最是竹風偏斷續夜來絃誦不能高

苦雨

冥冥雨不絕夜氣上重裘暑似逃三伏寒疑逼九秋伏陰山瘴重苦澇水田浮滴瀝茅簷破牽蘿補未休

又

十日晨光內深山小漏區違時思續挾折屐阻泥淤

霧濕啼鳩婦花寒落燕雛養痾常穩臥賴得綠天俱

同錦臣吳一士看月

露華清切上闌干贏得金波此夜看遠道漸驚秋欲報空山又見月初團明翻樹底棲烏亂影動花陰蟋蟀寒後夜關河知馬首幾人兒女憶長安

洞庭舟中

一葦長風過洞庭篷牕難繫萬山青可憐歲歲凌牛斗誰道銀河有客星

又

浹旬酷暑汗常揮暫得開篷一振衣今日計程三百里停船又上白螺磯

綢緞集卷第一

八

又

去年歸棹洞庭邊載得菱花月滿船付與飄蓬剛屈指秋來春去爲誰憐

又

風江日落露初零無那孤眠酒易醒遮莫隣舟歌吹近繁絃急管不須聽

返棹

洞庭南去又深秋旋賦歸歎得自由萬里軟塵愁馬首連宵鄉夢遶林丘雁鴻風疾寒初報蘆荻江平水不流祇悔勞生愧形影向來人事等虛舟

又

迷名真覺市朝非，無那浮踪與願違。多病一春憐棧
草，倚閨三歲念萱闈。布帆夜帶關山月，林屋秋牽薜
荔衣。不信重湖波浪濶，曉風吹夢到柴扉。

洪山埕

平明驢背鄂城東，出郭秋空望不窮。一路荷香南夢
澤，幾行雲樹梵王宮。烟中萬戶層臺碧，湖外千山落
照紅。欲上浮屠橫鐵笛，夜來騎鶴借天風。

晚登黃鶴樓卽事四首

憑高我亦好樓居，萬丈丹梯切火餘。不信大江流未
盡，祇今湧月似黃初。

又

藕耕集卷第一

九

秋風吹客又登樓，樓上頻來十二秋。却喜杖頭輕十
萬，不須乘鶴到揚州。

又

步履重岡一振衣，萬家烟樹漸霏微。可憐點點舟如
葉，盡向洶濤趁落暉。

又

望盡朱陵杳靄間，出山雲嬈又還山。無端林
怨欲向仙人借騎還。

野岸

野岸添秋水，維舟帶夕陽。大江流不盡，歸路去何長。
魚鱗見已足，鳥翼飛更忙。更到更懷鄉。

下缺

村膠濛濛烟雨，昭陽路昏黑。諸天望正高。

答家鸞棲獄中見寄元韻

與子不相見，聞子在幽囚。拏舟走百里，憐但我心憂。
一見但哽咽，有淚不得流。遂使理茫茫，遑辨咎與休。
大造竟冥漠，萬化同蜉蝣。行從鎖重門，牆角陰風愁。
我來爲見季，誰復避交遊。南冠遠隔絕，音耗皆沈浮。
愧無可脫驂，重爲故人羞。夜深呼蒼天，爲子禱祠求。
保無下車泣，庶遂針芥投。埋劍在豐城，憐才古罕儔。
遙夜把詩句，燭光黯彌留。望望永今夕，從之路何由。

答蔡中介來韻

藕耕集卷第一

上

七月長亭話別難，一帆烟雨又江干。論詩我自推高
李，擊劍人猶說范韓。北里金貂新漾碧，西廳銀燭夜
流丹。最憐聚散天涯共，簾外霜華已報寒。

中介復疊前韻仍和一首

繫纜江邊好會難，燈前風雨夜闌干。分金自昔寧忘
鮑，一飯何心爲識韓。旅舍榻擎千顆綠，故園楓醉萬
林丹。緣君愛我添詩瘦，安得攜壺坐晚寒。

道鄉懷古爲鄒真卿作

半嶺緣殘照，遺踪賸切灰。路從靈麓下，人指道鄉臺。
冷祀門新墜，荒碑字浸苔。夜深遙列炬，猶有寺僧來。
獄門別鸞栖，平客諸子還。山仍用前韻。
長沙痛哭地，普天哀楚囚。玄冬召迅雷，無乃天心憂。